

KREDIT SHARTNOMASI №

_____ shahri / tumani _____ . ____ 20____-yil

Bir tarafdin AT "Aloqabank" (bundan buyon matnda "**KREDITOR**" deb ataluvchi) nomidan 20__-yil __-____dagi __-__/_-sonli ishonchnoma asosida harakat qiluvchi _____ HKXKM boshlig'i _____ timsolida va ikkinchi tarafdin _____ (bundan buyon matnda "**QARZDOR**" deb ataluvchi) nomidan ustav asosida faoliyat yurituvchi jamiyat direktori _____ timsolida (birgalikda "TARAFLAR" deb ataluvchi), ushbu shartnomani quyidagilar haqida tuzdilar:

I. SHARTNOMANING MAZMUNI

1.1. "KREDITOR" "QARZDOR"ga shartnomada nazarda tutilgan miqdorda va shartlar asosida pul summasini (mablag'larini) (bundan buyon matnda "*kredit*" va/yoki "*kredit summasi*" deb yuritiladi) berish, "QARZDOR" esa olingan *kredit summasini* maqsadli ishlatish, kreditning asosiy summasi va unga hisoblangan foizlarni o'z vaqtida to'lash majburiyatini oladi.

1.2. "KREDITOR" "QARZDOR"ga O'zbekiston Respublikasi Prezidentining 2024-yil 7-sentyabrdagi PQ-312-sonli Qaroriga muvofiq, _____ maqsadida _____ sotib olish uchun ____ (____) oy, ya'ni 20__-yil __-____gacha muddatga, asosiy qarz to'lovlari bo'yicha ____ (____) oy imtiyozli davr asosida, yillik ____ (____) foiz ustama haqi to'lash sharti bilan _____ (____) so'm miqdorida kredit mablag'i ajratadi.

1.3. "KREDITOR"ga "QARZDOR" tarafidan kredit ta'minoti turlaridan biri taqdim etilgandan so'ng kredit beriladi.

1.4. "QARZDOR" tomonidan kredit mablag'laridan foydalanish davri shartnoma qonuniy kuchga kirgan sanadan boshlab 3 oy qilib belgilanadi. "QARZDOR" dastlabki 3 oy davomida kredit mablag'laridan qisman yoki umuman foydalanmasa, kredit shartnoma summasi to'liq o'zlashtirilmaganligiga qaramasdan kredit mablag'laridan foydalanish to'xtatilishi mumkin.

Kredit mablag'laridan bosqichma-bosqich foydalanishni nazarda tutuvchi tegishli asoslar mavjud bo'lgan holatlar (import shartnomasi shartlari, qurilish-montaj ishlarini amalga oshirish grafigi va boshqalar) bundan mustasno.

1.5. "QARZDOR" tomonidan O'zbekiston Respublikasi Prezidentining 2024-yil 7 sentyabrdagi PQ-312-sonli Qarori talablari buzilganda, ya'ni "Tadbirkorlikni rivojlantirish kompaniyasi" AJ tomonidan qayta moliyalashtirish yoki portfel kafilligi rad etilganda

va/yoki bekor qilinganda, maqsadsiz ishlatilganda, biznes-reja ko'rsatkichlari bajarilmaganda hamda yangi ish o'rinlari to'liq yaratilmaganda, asosiy qarz to'lovlari bo'yicha mazkur shartnomaning 1.2-bandida ko'rsatilgan yillik foiz stavkasi ro'yxatdan o'tgan va faoliyat yuritadigan hudud toifasidan qat'iy nazar, yillik 26,0 foiz miqdorida belgilanadi.

II. KREDIT SHARTNOMASI BO'YICHA HISOB-KITOB TARTIBI

2.1. "QARZDOR" "KREDITOR" tarafidan ajratilgan kreditni taqdim etilgan muddatli majburiyatnoma(lar)ga yoki kreditni qaytarish jadvaliga va/yoki kredit shartnomasi shartlarida belgilangan muddatlarga muvofiq qaytaradi.

2.2. Kredit uchun foizlar kredit berilgan kundan boshlab kunlik hisoblanib, har oyning 15 kundan memorial order bilan undirib boriladi. Kredit asosiy qarzdorligini undirib olinishda ham memorial orderdan foydalaniladi.

Kreditni qaytarish jadvali yoki majburiyatnomada ko'rsatilgan kreditning qaytarish muddati yetib kelganda, "QARZDOR"ning hisobraqamida mablag' bo'lmasa, hisobraqamga qo'yilgan to'lov talabnomalar kartoteka-2ga kirim qilinadi.

2.3. "QARZDOR" kreditni qaytarish muddati buzilgan hamda biznes-reja ko'rsatkichlari bajarilmagan hollarda quyidagi hajmda oshirilgan foizlar to'laydi: to'lov kechiktirilgan muddatga – 1,5 baravar yillik 36,0%.

2.4. Kredit uchun hisoblangan foizlar naqd pul yoki naqd pulsiz hisob-kitob shaklida to'lanishi mumkin.

2.5. "QARZDOR" kredit va/yoki foizlarni to'lash muddatini bir kunga kechiktirgan taqdirda, "KREDITOR" kreditning qolgan barcha summasini tegishli foizlar bilan birga muddatidan oldin qaytarishni talab qilishga va akseptsiz tarzda hisobraqamidan undirib olishga haqli.

2.6. "QARZDOR" kredit va/yoki foizlarni to'lash muddatini bir necha marta yoki muntazam ravishda kechiktirgan taqdirda, "KREDITOR" "QARZDOR"ning hisobraqamiga mablag' kelib tushganda birinchi navbatda muddati o'tgan kredit va/yoki foizlarni undiradi hamda keyingi to'lov muddati kelmaganligiga qaramasdan joriy oy uchun to'lovlarni yechib olish xuquqiga ega.

2.7. Mazkur shartnoma tuzilishi munosabati bilan "QARZDOR"ga ko'rsatilgan va/yoki ko'rsatilayotgan barcha bank xizmatlari uchun "QARZDOR" bank tarifida nazarda tutilgan miqdorda va muddatlarda "KREDITOR"ga bank xizmat haqi to'laydi, agar bank Boshqaruvi qarori bilan boshqacha holat nazarda tutilmagan bo'lsa.

2.8. "KREDITOR" tomonidan bank xizmatlariga doir tariflar qayta tasdiqlangan taqdirda, "QARZDOR" ko'rsatiladigan bank xizmatlari uchun amaldagi yangi tarif bo'yicha xizmat haqini to'laydi, agar bank Boshqaruvi qarori bilan boshqacha holat nazarda tutilmagan bo'lsa.

2.9. "KREDITOR" tomonidan yangi tahrirdagi tariflarni bankning rasmiy veb sayti (www.aloqabank.uz)da e'lon qilinishi, "QARZDOR"ni bu haqda xabardor qilingan deb hisoblash uchun yetarli bo'ladi va uning shartlari Taraflar uchun majburiy hisoblanadi.

III. "KREDITOR"NING HUQUQ VA MAJBURIYATLARI

3.1. “KREDITOR”NING HUQUQLARI

3.1.1. “KREDITOR” kredit shartnomasining amal qilish butun davri mobaynida “QARZDOR”ning moliyaviy ahvoli hamda faoliyati natijalariga doir zaruriy hujjatlarni olish, ularni tahlil qilish, zarur hollarda tegishli hujjatlar yuzasidan izoh talab qilish, shuningdek kreditni maqsadli ishlatilishini bevosita joyiga chiqqan holda o‘rganadi.

Kreditdan foydalanish davrida garovga olingan mol-mulklarning bozor narxi pasaygan, mulk yaroqsiz holga kelib qolganligi yoki unga zarar yetkazilganligi oqibatida kredit qarzdorligini qoplash uchun yetarli emas deb topilgan taqdirda, “QARZDOR”dan qo‘shimcha ta‘minot talab qiladi.

Kredit ta‘minotini davriy ravishda tekshirib, uning but saqlanayotgani, yetariligi va likvidligini aniqlash, garov mulki bo‘yicha “QARZDOR” o‘z zimmasiga olgan majburiyatlarni qanday bajarayotganligini kreditdan foydalaniladigan butun davr mobaynida nazorat qilib boradi.

3.1.2. “QARZDOR” kreditning barcha to‘lovlarini to‘lash to‘g‘risida o‘z vaqtida to‘lov topshiriqnomalari taqdim etmasa, bu qarzlarni memorial order bilan undirib oladi.

3.1.3. Shartnomaning 4.2.15- va 4.2.16-bandlarida belgilangan holatlar yuzaga kelganida quyidagilardan biri yoki bir nechtasini amalga oshiradi:

- a) kreditning foydalanilmagan qismidan foydalanish imkoniyatini cheklaydi;
- b) kredit berishni to‘xtatadi;
- d) kreditni muddatidan oldin qaytarishni talab qiladi yoki akseptsiz undirib oladi;
- e) maqsadsiz ishlatilgan kredit summasining 1 % miqdorida jarima undiradi;
- f) sudlarga da‘vo arizasi bilan murojaat qiladi;
- g) qonunchilikda belgilangan boshqa harakatlarni amalga oshiradi.

3.1.4. “QARZDOR” kredit yoki foizlarni shartnomada kelishilgan muddatda qaytarmagan taqdirda, undiruvni “QARZDOR”ning likvidli mol-mulklari hisobiga amalga oshirish huquqiga ega.

3.1.5. “QARZDOR” kredit yoki foizlarni shartnomada kelishilgan muddatda qaytarmagan taqdirda, O‘zbekiston Respublikasi Fuqarolik Kodeksining 280-moddasiga muvofiq, undiruvni garov predmetiga qaratish uchun asoslar vujudga kelgandan keyin, qarzdorlikni garovga qo‘yilgan ko‘chmas mol-mulk hisobidan sudga murojaat qilmasdan undirishi mumkin.

3.1.6. Boshqa majburiy to‘lovlar bo‘lmasa “QARZDOR”ning hisobvarag‘iga tushgan mablag‘larni to‘lovlarning quyidagi navbatiga muvofiq qarzni so‘ndirishga yo‘naltirish:

- a) asosiy qarz bo‘yicha muddati o‘tgan qarzdorlik va muddati o‘tgan foiz to‘lovlari mutanosib ravishda;
- b) joriy davr uchun hisoblangan foizlar va joriy davr uchun asosiy qarz bo‘yicha qarzdorlik;
- d) kreditorning qarzdorlikni uzish bilan bog‘liq bo‘lgan boshqa xarajatlari.

3.1.7. “QARZDOR” shartnomada belgilangan majburiyatlarni bajarmaganda yoki lozim darajada bajarilmaganda, “KREDITOR” uning kredit mablag‘laridan foydalanish bo‘yicha to‘lov topshiriqnomasini ijroga qabul qilmasligi yoki ijroga qabul qilingan to‘lov hujjatini ijrosiz qaytarishi mumkin.

3.1.8. Agar “Tadbirkorlikni rivojlantirish kompaniyasi” AJ yordami (garov depoziti yoki portfel kafilligi) bekor qilinsa yoki rad etilsa, “KREDITOR” “QARZDOR”dan 10 kun muddatda kreditning 125 foizidan kam bo‘lmagan miqdorda ta‘minot vositalarini taqdim qilishni talab qilishi mumkin.

3.2. “KREDITOR”NING MAJBURIYATLARI

3.2.1. “KREDITOR” “QARZDOR”ga ajratiladigan kreditni (foizlarni) buxgalterlik hisobini yuritish uchun alohida tegishli hisobvaraqlar ochadi.

3.2.2. Kreditni muddatidan oldin undirib olish uchun yetarli asoslar yuzaga kelganda, mavjud qarzdorliklarni undirish choralari ko‘radi.

IV. “QARZDOR”NING HUQUQ VA MAJBURIYATLARI

4.1. “QARZDOR”NING HUQUQLARI

4.1.1. Ushbu shartnomada ko‘rsatilgan shartlar asosida belgilangan muddatda va summada kredit oladi.

4.1.2. Kreditni muddatidan oldin qaytarishi mumkin.

4.1.3. “QARZDOR” kreditni qonunda taqiqlanmagan yo‘nalishda maqsadli foydalanib, taqdim qilgan biznes-rejaga asosan ishchi o‘rinlarini yaratsa (ishchi o‘rin yaratilganligi jismoniy shaxslardan olinadigan daromad solig‘i va yagona ijtimoiy to‘lov to‘langanligi bilan aniqlanadi) hamda bank hisobraqamida faoliyati yuzasidan pul aylanmalarini amalga oshirsa, imtiyozli mikrokredit bo‘yicha O‘zbekiston Respublikasi Prezidentining 2024-yil 7-sentyabrdagi PQ-312-sonli Qaroriga muvofiq “Tadbirkorlikni rivojlantirish kompaniyasi” AJning imtiyozlaridan foydalanadi.

4.2. “QARZDOR”NING MAJBURIYATLARI

4.2.1. “QARZDOR” kreditning asosiy qarzdorligini hamda kredit uchun hisoblangan foizlarni mazkur shartnomada belgilangan shartlar va muddatli majburiyatnomalarga, shuningdek, qaytarish jadvaliga muvofiq to‘laydi.

4.2.2. “QARZDOR” kredit ta‘minoti sifatida:

- “Tadbirkorlikni rivojlantirish kompaniyasi” AJning garov depozitini;

- “Tadbirkorlikni rivojlantirish kompaniyasi” AJning portfel kafilligini taqdim kiladi.

Dastlab qarzdor tomonidan boshqa ta‘minot vositalari taqdim qilinmaydi.

Agar “Tadbirkorlikni rivojlantirish kompaniyasi” AJ yordami (garov depoziti yoki portfel kafilligi) bekor qilinsa yoki rad etilsa, qarzdor tomonidan 10 kun muddatda kreditning 125 foizidan kam bo‘lmagan miqdorda ta‘minot vositalari taqdim qilinishi lozim.

4.2.3. “QARZDOR” o‘z majburiyatlarini ta‘minoti sifatida taqdim qilingan garov ob‘ektini but va ishchi holda saqlanishini ta‘minlaydi, shuningdek, garovga qo‘yuvchi tarafidan but va ishchi holda saqlanishini nazorat qilib boradi.

4.2.4. Kreditning kamida 125 foiz miqdorda ta‘minlanganligini ushlab turadi.

4.2.5. “KREDITOR” oldidagi majburiyatlar to‘liq bajarilgunga qadar pul mablag‘laridan boshqa xo‘jalik yurituvchi sub‘ektlarga qarz berish uchun foydalanmaydi, shuningdek boshqa kreditorlar oldida “QARZDOR”ning to‘lov qobiliyati yomonlashuviga olib kelishi mumkin bo‘lgan majburiyatlar olmaydi.

4.2.6. “KREDITOR”ni yozma ravishda xabardor qilmay turib, sho‘ba xo‘jalik jamiyatlari (sho‘ba korxonasi) tashkil etmaydi.

4.2.7. “KREDITOR” va uchinchi shaxslar “QARZDOR”ning depozit hisobvarag’iga bir vaqtning o’zida to’lov talabnomalari taqdim etgan hollarda (agar 2-kartoteka bo’lmasa), uchinchi shaxslar oldidagi majburiyatlardan avval, kreditni qaytarishga doir majburiyatlar bajarilishini birinchi navbatda ta’minlaydi (birinchi navbatdagi to’lovlardan va sud qarorlari bo’yicha to’lovlardan tashqari).

4.2.8. Oldindan, ya’ni kreditni qaytarish yoki kredit bo’yicha navbatdagi to’lov muddati tugashidan avval mablag’lar to’planadigan maxsus (foizsiz) hisobvaraqqa kredit va/yoki foizlar bo’yicha kelgusi navbatdagi to’lov uchun yetarli summani o’tkazadi va shundan keyingina “QARZDOR” foydasidan muassislarga dividendlar to’laydi.

4.2.9. Statistika idoralari tasdiqlagan shakllarda tuzilgan yillik va choraklik hisobotlar to’plamlarini (tegishli soliq organlari tomonidan qabul qilingan balanslar, daromad va pul oqimlari to’g’risida hisobot, mahsulot ishlab chiqarish va sotish to’g’risida hisobot, asosiy fondlar harakati to’g’risida hisobot va boshqalar), debitorlik va kreditorlik qarzlari, muddati o’tgan qarzlarga doir taqqoslash dalolatnomalarining ilovalari, shuningdek bank talabiga ko’ra nazorat va maqsadli tekshiruvlar o’tkazish uchun zarur boshqa hujjatlarni “KREDITOR”ga o’z vaqtida taqdim etish. “KREDITOR”ning vakolatli mutaxassislari birlamchi buxgalteriya hujjatlari va omborda hisob yuritish hujjatlarini o’rganishi uchun sharoit yaratilishini ta’minlaydi.

4.2.10. “QARZDOR”ning moliyaviy ahvoriga jiddiy salbiy ta’sir ko’rsatishi, majburiyatlarning bajarmaslik ehtimolini keltirib chiqaruvchi har qanday noxush o’zgarishlar yoki yuzaga kelgan shart-sharoitlar to’g’risida darhol “KREDITOR”ga xabar beradi.

4.2.11. “QARZDOR” o’zining tashkiliy-huquqiy shaklini o’zgartirilayotganligi yoki qayta tashkil etilayotganligi to’g’risida “KREDITOR”ni oldindan xabardor qiladi.

Qayta tashkil etilayotganda yoki tugatilayotganda shartnomada ko’rsatilgan muddatdan qat’iy nazar zudlik bilan kredit va hisoblangan foiz to’lovlarini to’liq miqdorda to’laydi.

4.2.12. Garov ob’ekti qonunchilikda belgilangan asoslarga ko’ra (jumladan, jinoyat yoki boshqa huquqbuzarlik sodir etganlik uchun) garovga qo’yuvchidan olib qo’yilganda yoki garov ob’ektiga zarar yetkazilganda 10 (o’n) bank ish kuni ichida mavjud kredit va foiz karzdorligini to’liq qoplay oladigan boshqa mol-mulk taqdim etadi.

4.2.13. “KREDITOR”ga taqdim qilgan biznes-reja ko’rsatkichlariga to’liq amal qilinishini ta’minlaydi.

4.2.14. Kreditdan bosqicha-bosqich yoki qismlarga bo’lgan holda foydalanilganda, mablag’larning maqsadli ishlatilganligini asoslovchi hujjatlarni ular rasmiylashtirilgan kundan boshlab 5 (besh) bank ish kunidan, shuningdek, tegishli oyning oxirgi sanasidan kechiktirmasdan “KREDITOR”ga taqdim qiladi.

4.2.15. “QARZDOR” ajratilgan kredit mablag’larini qonunchilikda taqiqlangan yo’nalishlarda ishlatishi mumkin emas. Kredit mablag’larini qonunchilikda taqiqlangan yo’nalishlarda ishlatish holatlariga “QARZDOR” to’liq javobgar hisoblanadi.

4.2.16. Quyidagilarning istalgan bittasi yoki bir nechtasining yuzaga kelganligi “QARZDOR” tomonidan majburiyatlarning lozim darajada bajarilmayotganligidan dalolat beradi:

- a) shartnoma bo'yicha har qanday to'lovning muddatida amalga oshirilmasligi;
- b) kreditning to'liq yoki qisman maqsadsiz ishlatilishi;
- d) kredit hisobiga amalga oshirilgan to'lovlar bo'yicha tovarlarning to'liq yoki qisman yetkazib berilmasligi, shuningdek ishlar yoki xizmatlarning to'liq hajmda bajarilmasligi;
- e) hisobraqam orqali 90 kun va undan ortiq vaqt mobaynida umuman bank amaliyotlari (*kreditning asosiy summasi va unga hisoblangan foizlar bo'yicha to'lovlardan tashqari*) amalga oshirilmasligi;
- f) buxgalteriya hisobi va/yoki hisobotining buzilishi, ularning qalbakilashitirilishi, soxtalashtirilishi yoki noto'g'ri hisobotlarning taqdim etilishi;
- g) ma'lumot va/yoki hujjatlarning qalbakilashitirilishi, soxtalashtirilishi yoxud noto'g'ri ma'lumot va/yoki hujjatlarning taqdim etilishi;
- h) "KREDITOR"ni yozma ravishda xabardor qilmay turib, ustav kapitali (fondi)ning kamaytirilishi;
- i) "KREDITOR"ni yozma ravishda xabardor qilmay turib, qayta tashkil etilishi (qo'shib yuborilishi, qo'shib olinishi, bo'linishi, ajralib chiqishi, o'zgartirilishi);
- j) "KREDITOR"ga faoliyati va hisobot hujjatlarini tekshirishga to'sqinlik qilinishi yoki hujjatlarini taqdim etishdan bosh tortilishi;
- k) ta'minot ob'ektiga zarar yetkazilganligi yoki talon-taroj qilinishi, shuningdek, bozor kon'yukturasi narxlarining kamida 25 foizga pasayib ketishi yoki boshqacha holatlar natijasida kredit ta'minlanmay qolish xavfining vujudga kelishi, basharti ta'minotni o'zgartirish yoki qo'shimcha ta'minot taqdim etish bo'yicha bank talabining bajarilmasligi;
- l) uchinchi shaxslar oldida muddati o'tgan majburiyatlarning mavjudligi;
- m) kredit ta'minoti o'z likvidligi, qiymati va kuchini yo'qotishi;
- n) vakolatli organlar tomonidan "QARZDOR"ga nisbatan huquqiy ta'sir choralari qo'llanilishi;
- o) "QARZDOR"ning bankrot deb e'lon qilinishi;
- p) Bank rozilgisiz boshqa bank yoki xo'jalik yurituvchi sub'ektlardan qarz va boshqa majburiyatlarning olinishi;
- q) Kredit monitoringidan bo'yin tovlashlik yoki bank xodimlari (jalb qilingan mutaxassislar)ni monitoring o'tkazishiga har qanday usullar bilan to'sqinlik qilishi;
- r) Kreditlanayotgan faoliyatni amalga oshirilishi jarayonida ekologiya talablarining buzilganligi va h.k.;
- s) Kredit hisobiga sotib olinadigan mulklar va/yoki garovga qo'yilishi belgilangan mulklar bo'yicha qonunchilikda belgilangan tartibda egalikni tasdiqlovchi hujjatlar rasmiylashtirilishini ta'minlamasa hamda garovga qo'yish huquqi paydo bo'lgan kundan boshlab, 10 bank ish kunida bankka garovga qo'yish majburiyatini bajarmasligi;
- t) "QARZDOR"ning shartnoma shartlarini bajarmasligi.

4.2.17. "Agar qarz oluvchi o'z majburiyatlarini to'liq yoki qisman bajarmasligi oqibatida mikrokredit bo'yicha undiruv Bank va "Tadbirkorlikni rivojlantirish kompaniyasi" aksiyadorlik jamiyati o'rtasida tuzilgan Depozit garovi shartnomasi bo'yicha garovga olingan mablag' hisobidan amalga oshirilganda "Tadbirkorlikni rivojlantirish kompaniyasi" aksiyadorlik jamiyatida ushbu qarzdorlikni regress tartibda undirish huquqi paydo bo'ladi".

V. TARAFLARNING JAVOBGARLIGI

5.1. Mazkur shartnomaning 4.2.15- va 4.2.16-bandlarida begilangan holatlardan biri yuz berganligi “Kreditor” tomonidan tasdiqlansa, kredit shartnoma bo‘yicha asosiy qarz, unga hisoblangan foiz va boshqa shartnomaviy majburiyatlar “Qarzdor”dan (tegishli hollarda to‘lov talabnomasi) akseptsiz tarzda undirib olinadi.

5.2. “KREDITOR” tomonidan kredit shartnomasi bo‘yicha foiz, komissiya ni hisoblash va undirish, shuningdek javobgarlikning boshqa choralarini qo‘llashda O‘zbekiston Respublikasi Prezidentining 2018-yil 23-martdagi “Bank xizmatlari ommabopligini oshirish bo‘yicha qo‘shimcha chora-tadbirlar to‘g‘risida” PQ-3620-sonli qarori talablariga rioya etiladi.

5.3. “QARZDOR” tomonidan majburiyatlar bajarilmasligi holati yuzaga kelganda “Kreditor” qarzdorning kreditdan keyingi foydalanish huquqini to‘xtatib turishi yoki shartnomani bekor qilishi hamda kredit mablag‘ini to‘lig‘icha yoki uning bir qismini muddatidan oldin qaytarilishini talab qilishi mumkin.

Kredit shartnoma bo‘yicha “Qarzdor” tomonidan bajarilmagan majburiyatlar oqibatida “Kreditor” tomonidan “Qarzdor”ga qo‘yilgan tegishli talabnoma mazkur shartnomaga asosan “Qarzdor” tomonidan akseptlangan hisoblanadi.

5.4. Shartnoma bo‘yicha o‘z majburiyatlarini bajarmagan yoki lozim darajada bajarmagan taraf ikkinchi tarafga yetkazilgan zararni to‘liq miqdorda to‘laydi, shuningdek, O‘zbekiston Respublikasining qonun hujjatlarida ko‘zda tutilgan tartibda javob beradi.

5.5. Qarzdorga ajratiladigan kredit bo‘yicha shartnomaning 4.1.3-bandiga asosan “Tadbirkorlikni rivojlantirish kompaniyasi” AJning imtiyozlaridan foydalanilgandan so‘ng, har chorakda o‘tkazilgan monitoring natajalariga ko‘ra biznes reja ko‘satkichlari bajarilmaganligi va/yoki maqsadsiz ishlatilganligi aniqlansa, berilgan imtiyoz qo‘llanilishi bekor qilinadi hamda tijorat kreditiga o‘tkaziladi.

5.6. Mazkur shartnomada nazarda tutilmagan javobgarliklar amaldagi qonunchilik hujjatlari asosida hal etiladi.

VI. JAVOBGARLIKDAN OZOD QILUVCHI HOLATLAR

6.1. Taraflar yengilmas kuch ta‘siridagi holatlar (fors-major), ya‘ni taraflar oldini ololmaydigan, ularning irodasi va xohishidan tashqari vujudga keladigan holatlar natijasida mazkur shartnoma bo‘yicha o‘z majburiyatlarini bajarmagan yoki lozim darajada bajarmaganliklarini isbotlab bera olsalar va taraflar o‘z majburiyatlarini bajarish uchun mavjud barcha choralarni ko‘rgan bo‘lsalar, javobgarlikdan ozod etiladilar.

6.2. Fors-major holatlarga yong‘in, suv toshqini, zilzila va boshqa tabiiy ofatlar, epidemiya, texnik fojealar, xarbiy harakatlar, favqulotda vaziyatlar, davlat organlari tomonidan qabul qilinadigan qarorlar, bank to‘lov tizimi ishdan chiqishi, elektr tarmoqlarining uzilishi va boshqa shu kabi holatlar kiradi.

6.3. Fors-major holati natijasida mazkur shartnoma bo‘yicha o‘z majburiyatlarini bajara olmagan taraf boshqa tarafga ushbu haqida fors-major holati vujudga kelgan kundan boshlab uch kun ichida xabar berishi shart.

6.4. Fors-major holatlar vujudga kelgan hollarda, shartnoma bo'yicha majburiyatlarning bajarilishi fors-major holat davom etgan muddatga kechiktiriladi.

VII. NIZOLARNI HAL ETISH TARTIBI

7.1. Mazkur shartnomani bajarilishi bilan bog'liq tarzdatarafklar o'rtasida yuzaga keladigan barcha kelishmovchilik va nizolar o'zaro kelishuv orqali hal etiladi.

7.2. Vujudga kelgan nizo va kelishmovchiliklar muzokaralar o'tkazish yo'li bilan o'zaro hal etilmasa, ular sud tartibida ko'rib chiqiladi.

VIII. SHARTNOMANI BEKOR QILISH YOKI O'ZGARTIRISH ASOSLARI VA TARTIBI

8.1. Shartnomani bir taraflama o'zgartirishga yoki bekor qilishga yo'l qo'yilmaydi, mazkur shartnomada nazarda tutilgan hollar bundan mustasno.

8.2. Mazkur shartnomani bekor qilmoqchi yoki o'zgartirmoqchi bo'lgan taraf ikkinchi tarafga shartnomani bekor qilish yoki o'zgartirish shartlarini ko'rsatgan holda shartnomani bekor qilish to'g'risida taklif yuboradi.

8.3. Mazkur shartnomani bekor qilish yoki o'zgartirish to'g'risidagi taklifni olgan taraf, uni olgan kundan boshlab 10 kun ichida taklifni ko'rib chiqib, ikkinchi tarafga javob xati yuboradi. Ushbu muddat ichida taklifni olgan taraf ikkinchi tarafga taklif yuzasidan javob xati yubormagan taqdirda, taklif yuborgan taraf shartnomani bekor qilish yoki o'zgartirish to'g'risidagi da'vo ariza bilan sudga murojaat etishi mumkin.

8.4. Mazkur shartnomaga kiritiladigan har qanday o'zgartirishlar yozma shakldagi qo'shimcha bitimlar bilan rasmiylashtirilgan holda uning ajralmas qismi bo'lib hisoblanadi va imzolangan kundan qonuniy kuchga kiradi.

IX. KORRUPSIYAGA QARSHI SHARTLAR

9.1. Taraflar, ularning afillangan shaxslari, xodimlari yoki boshqa ishtirokchilari ushbu shartnoma shartlarini bajaradi, ikkinchi tomonning qaror qabul qilishga ta'sir o'tkazish maqsadida bevosita yoki bilvosita pul mablag'lari qimmatliklar yoki xizmatlar taklif qilishi, berishi, taqdim etishi taqiqlanadi.

9.2. Taraflar, ularning affillangan shaxslari, xodimlari yoki boshqa ishtirokchilari ushbu shartnoma shartlarini bajarishda qaror qabul qilishiga ta'sir o'tkazish maqsadida shartnomaning boshqa ishtirokchilari tomonidan bevosita yoki bilvosita pul mablag'lari, qimmatliklar yoki xizmatlar taqdim etish bo'yicha taklifini rad qilishi lozim.

9.3. Agar shartnoma taraflarida ushbu shartnoma shartlarini bajarish bilan bog'liq korrupsion harakat sodir etilganligi to'g'risida ma'lumot, shubha, shubhaga asos bo'luvchi dalilga ega bo'lsa, bu to'g'risida ikkinchi tomonga yozma shaklda (*yoki bankning Komplayens nazorat boshqarmasi/Hududiy kompleks xizmatlar ko'rsatish markazi rahbariga aloqa kanallari yordamida*) xabar berish majburiyatini oladi.

9.4. Xabarni olgan taraf haqiqatda korrupsion harakat sodir etilmaganligini yoki sodir etilmasligi to'g'risida tasdiqqa ega bo'lguncha ushbu shartnoma bo'yicha o'z majburiyatlarini bajarishni to'xatib turish huquqiga ega.

9.5. Pora berish evaziga ikkinchi taraf vakilini, affillangan shaxsini, xodimini shartnoma shartlarini bajarishda o'ziga og'dirib olgan taraf ikkinchi tomonga yetkazilgan zararni qoplab berish majburiyatini oladi.

X. SHARTNOMANI AMAL QILISH MUDDATI

10.1. Mazkur Shartnoma taraflar tomonidan imzolagan sanadan boshlab qonuniy kuchga kiradi va taraflar shartnomadan kelib chiquvchi o'z majburiyatlarini to'liq bajarib bo'lgunlariga qadar amal qiladi.

XI. SHARTNOMANING YAKUNIY SHARTLARI

11.1. Mazkur shartnoma har biri bir xil yuridik hujjat maqomiga ega bo'lgan ikkita nusxada tuzilgan bo'lib, bir nusxadan taraflarda saqlanadi.

11.2. O'zlarining yuridik manzillari o'zgargan taqdirda, tomonlar bir-birlarini bu haqda xabardor qilishlari shart.

11.3 Mazkur shartnoma shartlari, unga kiritilgan qo'shimchalar va shartnoma yuzasidan taraflar olgan boshqa ma'lumotlar konfidensial hisoblanib, oshkor etilmaydi. Ushbu shart tomonlar vakolatli davlat organlariga axborot berishi, shuningdek qarz oluvchi O'zbekiston Respublikasi qonunlarida belgilangan tartibda rasmiy organlarga hisobot taqdim etishi hollariga dahldor emas.

11.4. Mazkur shartnomada nazarda tutilmagan holatlar amaldagi qonun hujjatlariga asosan hal etiladi.

XII. TARAFLARNING YURIDIK MANZILI VA REKVIZITILARI:

“KREDITOR”

“QARZDOR”

AT “Aloqabank”

H/v: 16103000900000401001

MFO: 00401

STIR: 200829053

Manzil: _____

Tel.: _____

Amaliyot HKXKM direktori

Bosh buxgalter:

H/v: _____

MFO: _____

STIR: _____

Manzil: _____ viloyati,

_____ tumani,

_____, _____.

Tel.: _____

Rahbar:

Bosh buxgalter:

M.O'.

M.O'.

Yuridik xizmat boshlig'i: _____

KREDIT SHARTNOMASINING ASOSIY SHARTLARI BILAN

TANISHUV VARAQASI

Kredit summasi: _____ (_____) so'm.

Kredit muddati: 3 (uch) yil.

Imtiyozli davri: 6 (olti) oy.

Foiz stavkasi: yillik ___% (shundan, ___ foizlik qismi "Tadbirkorlikni rivojlantirish kompaniyasi" AJ kompensatsiyasi hisobidan) foiz ustama haq olish sharti bilan

Muddati o'tgan qarzdorlik bo'yicha foiz stavkasi:

- to'lov kechiktirilgan muddatga: 1,5 baravar yoki _____%

Kredit asosiy summasini qaytarish muddati: har oyning 15-sanasiga qadar.

Kredit foizini qaytarish muddati: har oyning 15-sanasiga qadar.

Kredit ta'minoti: Kredit hisobiga sotib olinayotgan _____ garovi, sotib olinayotgan transport vositalari garovga olingunga qadar kredit qaytmaslik xataridan sug'urtalash polisi va _____ transport vositalari garovlarini hamda _____ ning to'liq kafilligini taqdim qiladi.

Grafik bo'yicha bir oylik o'rtacha to'lov (jami): _____ so'm (asosiy va foiz qarzdorlik grafik bo'yicha hisoblanadi)

- asosiy qarz bo'yicha: _____ so'm

- foiz to'lovi bo'yicha: _____ so'm.

Kredit shartnomasining har bir bandini shaxsan o'qib chiqib, uning mazmuni bilan tanishdim.

Shartnoma Taraflarning huquqiy tengligi, xohish irodasi hamda o'zaro manfaatligi asosida to'g'ri tuzilganligini tasdiqlayman.

Biznes-reja ko'rsatkichlarining to'liq bajarilishini, shuningdek pul oqimlari hisobidan bank krediti va unga hisoblangan foizlarning o'z vaqtida to'liq qaytarilishini kafolatlayman.

To'lovlar kechiktirilgan taqdirda bank tomonidan ko'riladigan choralarning huquqiy oqibatlarini to'g'risida ogohlantirildim.

"KREDITOR"

"QARZDOR"

AT "Aloqabank"

Amaliyot HKXKM direktori:

M.O'.

M.O'.

Tanishuv varaqasi 2 nusxada imzolandi:

1-nusxasi – “QARZDOR”ga taqdim qilindi;

2-nusxasi – kredit yig‘majildiga tikildi;

Kredit inspektori:

(imzo)

(sana)



HUJJAT ELEKTRON IMZO BILAN
IMZOLANGAN

Sertifikat: dba4f4848206dbb3790078a0b6db8a08b9f54d22

Egasi: **Irisbekova Kammuna Narinbayevna**

Lavozimi: **Boshqaruv Raisi v.b.**

Muddati: 14.05.2025 yildan 14.05.2027 yilgacha amalda